

顯密圓通成佛心要集卷下

供佛利生儀附

說二

五臺山金河寺沙門道寂集

三顯密雙辯者若雙依顯密二宗修者上上根也謂心造法界帝網等觀口誦准提六字等況此有二類一久修者顯密齊運二初習

說二

者先作顯教普賢觀已方乃三密加持或先用三密竟然後作觀二類皆得余雖下材心

尚顯密雙修故仁王般若陀羅尼釋并仁王

儀軌皆云若不修三密門不依普賢行願得成佛者無有是處又華嚴經字輪儀軌云夫

欲頓入一乘修習毗盧遮那法身觀者先應發起普賢行願復以三密加持身心則能悟入文殊師利大智慧海是知上根須要顯密雙修中下之根隨心所樂或顯或密科修一門皆得然顯圓華嚴諸佛共讚菩薩同遵西

天東夏上智上賢無不歸心爲大教廣行人多見聞不假讚揚密圓神呪是諸佛之頂菩薩之心功能廣大利樂無邊爲時流少知今略敘述亦分爲二一敘述密呪功德深廣二問答密呪法器勝劣且初敘述密呪功德深

廣者粗依聖教略出十門廣有無量

為人多不知密多捨顯讚密亦非通人華嚴經云受一非餘魔向任在一門信須圓通無碍勿同盲人摸象弟

子洗足余曾有偈云大聖親宣五教文千門萬戶入天真遍觀受一非餘者盡是佛家不了人又既准提總攝二十五部即知已下十門皆說准提陀羅尼功德也

一護持國王安樂人民門
二能滅罪障遠離鬼神門
三除身心病增長福慧門
四凡所求事皆不思議門
五利樂有情救脫幽靈門

說二

二

六是諸佛母教行本源門

七四衆易修金剛守護門

八令凡同佛如來歸命門

九具自他力現成菩提門

十諸佛如來尚乃求學門

初護持國王安樂人民門者謂祕密藏諸陀羅尼經皆說陀羅尼能護持國王安樂人民故寶星陀羅尼經云一切國土中所有陀羅尼流行之地令其人王常得擁護勢力自在亦能擁護王之政化所有王子妃后宰相輔臣諸官將等皆得擁護令獲安樂國中所有內外怨敵謀計奸詐疾疫飢饉亢旱水澇惡獸毒龍如是一切不祥之事皆悉斷滅復令財穀豐饒庫藏盈溢華果榮盛人民安樂又寶藏陀羅尼經說陀羅尼流行之處能擁護

國王王子妃后公主百寮輔相令其災難消滅所願圓成善神加護不令鬼魔來相燒惱復於國內獲十種果報一國中無他兵怨賊侵燒二國中無諸星宿變怪而起災患三國中無惡鬼神行諸疾疫善神衛護萬民安樂四國中無諸風火霜雹等難五國中人無怨家得便六國中人不爲諸魔所逼七國中人無諸橫死八國中五穀成熟甘果豐足九國中善龍入境依時降雨無有旱澇不調之名十國中人不爲虎狼兕獸諸惡雜毒損害又七佛神呪經說二云陀羅尼若日月失度能使正行穀米不登能使豐登大臣謀反惡心自滅疾疫刀兵悉能攘之又云其諸人王欲得現世安樂離衆患難其王應當勤心讀誦陀羅尼亦當勸於后妃侏女諸王子等勤心修習

又守護國界主陀羅尼經云何以偏說護於國主謂國主若安樂時萬民安樂是以偏說護於國主葉衣觀自在菩薩經云陀羅尼能除一切有情災禍疾疫飢儉劫賊刀兵水旱不調星宿失度亦能增長福德國界豐盛人

民安樂國王男女皆得長壽又蘇婆呼童子經云離真言外更無別法能與衆生樂者廣如諸陀羅尼經中說之昔有遼國天佑皇帝法輪廣運佛慧流通堅持密咒獲神功遂得禾登九穗麥秀兩岐寶祚恒安兆民永樂斯乃陀羅尼之驗也

二能滅罪障遠離鬼神門者謂菩提場莊嚴陀羅尼經最勝總持經樓閣陀羅尼等二十餘本經皆說若書寫陀羅尼置佛像中塔中杵中或書在幢上堂殿上或紙素竹帛上或

樺皮牆壁板木等上有衆生得覩視者或身手觸者或影中過者或真言字上塵飄在身者又或書之戴在頂上者身上者衣中者或書之繡上若風吹幡動其幡所指處衆生或書鐘鼓鈴鐸螺鉢等出聲物上有聞聲者此

上來所說諸衆生等縱有五無間之罪諸佛不懾之業悉皆滅盡來世生諸佛國何況親誦持者故昔人云五無間之極釁應念雲消十惡業之巨愆纔聞霧散又隨求頌云縱犯波羅十惡罪殺阿羅漢及尊親五逆根本七

說二無遮應念隨聲並消滅真言聖力功無量故

我稱讚不思議又末法中一字呢等諸陀羅尼經說持呢者於四方面五百驛內諸惡星曜鬼神天魔等盡皆馳散而去有發善心守護者不去若有固爾不去作障礙者便令頭

破百分身心粉碎由是行者無諸魔障得至
菩提問曰有人言持呪者能惹魔障今何却
說能離魔障答曰此是閻巷之談聖教無文

今密部諸經皆說唵羅尼能離魔障且置勿
論如顯教法華經中恐有講誦修習法華者
有魔障起故說唵羅尼品令除惡魔故彼經
云若不順我呪惱亂說法者頭破作七分如
阿梨樹枝又釋摩訶衍論令坐禪人須得誦
呪除魔又止觀云若諸魔障惱亂坐禪行者
當誦大乘方等教中諸治魔呪若出禪時亦
當誦呪又金光明經說十地菩薩尚以呪護
持何況凡夫故首楞嚴經云若不持呪而坐
道場令其身心遠諸魔事無有是處又云末
世衆生樂修三昧恐同邪魔應當勸令持我
神呪若未能誦寫於禪堂或戴身上一切諸

魔所不能動如是等文藏教彌多現見世人
被鬼神惱害持呪者尚能除得況於自己敢
惱害耶

三除身心病增長福慧門者謂聖六字唵羅
尼經普賢唵羅尼經文殊一字呪等十五餘

本經皆說真言行人能除種種身心病苦言
身病者所謂一切熱病冷病風病瘧病眼病
耳病鼻病舌病口病齒病腎病喉病面病頭
病頸病脣病脅病腹病手病背病腰病臍病
脾病膝病腳病痔病痢病痰病氣病麻病疔
病腫病班病疥病疮病癩病癬病痒病瘡病
狂病癲癇病鬼魅病舉要而言或四大種種
病或五臟種種病或鬼神所作種種病或宿
業所感種種病如是等病以神呪不思議力
悉能除愈故持句神呪經大悲心唵羅尼經

皆云陁羅尼能令枯木還生華果況有情病而不除也

問曰真言行者許加持鬼神療他人病不答謂妙臂童子經蘇悉地經等皆云若求上品大成就事不得用真言加持鬼神禁諸蠭蛇療他人病作此能妨大悲深廣事後學宜依佛語誠之誠之若實大悲須三業清淨具慈悲心懷菩薩心不在所遮故歸索經云除鬼神病此諸菩薩方能爲之

又一切貪嗔癡心病

自然消滅故白金蓋陁羅尼經云若有宿習貪心等不能除滅應當一心誦我神呪如摩登伽女與阿難是曩劫恩愛以我呪力愛心永斷成阿羅漢彼是姪女無心修行神呪真資速證無學何況本心求菩提者又大悲經云至心稱念陁羅尼姪欲火滅邪心除又如意輪等諸陀羅尼經說真言行人現能增長一切福慧凡所出言人皆信受所用衣物財寶等舉意從心能令五百由旬內人天鬼神盡來歸仰又自然通曉一切經律論并世間

典籍或得總持不忘日記千頌故大佛頂經云若讀若誦陁羅尼者此諸衆生縱其自身不作福業十方如來所有功德悉與此人又云若持神呪不生疑悔是善男子於此父母所生之身不得心通十方諸佛便爲妄語又

云未精進者令得精進無智慧者令得智慧等云云如世間藥餌尚能令人去除睡眠增長精神豈況神呪不生智慧耶

又不空羈索

神呪心經云

若有四衆受持齋戒專心持誦神呪七遍不

雜異語當知是人現世定得二十種勝利

何二十一者身無衆病安隱快樂二者由先

業力雖有病生而速除愈三者身體柔軟皮

膚光澤面目鮮明四者衆人愛敬五者密護諸根六者多獲財寶隨意受用七者所有財寶王賊水火不能侵損八者所作事業皆成辦九者所有種植不畏惡龍霜電風雨鬼災橫爾時皆即除滅十者不爲一切暴惡鬼神羅刹等吸奪精氣十二者一切有情見聞歡喜愛樂尊重常無厭足十三者常不怖畏十四者設有怨讐連自消滅十

五者人非人等不能侵害十六者厭懥不數現行十
盈道不著十七者煩惱縗垢不數現行十八者
隨衛護二十者生生不離慈悲捨又下常
面觀世音神呪經云若有淨信善男子善神常
為十一者身常無病二者恒為十方諸佛攝
受三者財寶衣食受用無盡四者能伏怨敵
而無所畏五者令諸導貴恭敬信言六者不能
害鬼魅不能中傷七者一切刀杖所不能
八者水不能燒九者火
說三
八者水不能燒十者終不橫死

四凡所求事皆不思議門者謂觀自在儀軌
經文殊師利儀軌經一字頑輪等十餘本經
皆說真言行人求成就時用四種物一者弓
箭鉞斧鉤輪杵鏡或數珠錘鉢袈裟等僧家
所用種種之物二者雄黃雌黃等種種藥物
三者取河岸上土和泥作師子象馬牛駝或
鷄鳩孔雀金翅鳥等種種禽獸之形四者或
塑畫雕刻種種佛菩薩明王等形像隨心所
樂科作一事依法成已而置壇中如法誦呢

若得火燄出時或手執或塗身或乘之與助
伴知識飛騰虛空或有人見成就者或成就
者見彼人等總得騰空遊諸世界供養諸佛
菩薩皆壽命一劫獲初地百法明門若煙出
時依前用之得諸仙中為王住壽萬萬歲若
燄氣出時得一切人天敬愛所求如意此是
上中下三品成就相也

說二

中品

燄氣出

上品

煙出

又云若火光現得一切神呪用之皆得最勝靈
驗之衆皆常恭敬一切神呪用之皆得最勝靈
若燄氣現得一切諸人并鬼神等同心敬愛

西方有一人得上品成就引五百人昇空如
此方淮南王藥就鷄犬紙鼎皆得昇空故昔
人云淮南成道犬吠雲中王喬得仙劍飛天
上藥力尚爾況佛不思議呪耶神變蹤云人
手執仙方未曾和合服用却謗白日昇空者
以爲虛談全成不可又大教王等諸陀羅尼

經說或令人追龍女爲妻降藥又作奴執羈索入修羅宮呪死屍令開伏藏或說成於聖藥或說勑於財寶等云云顯教之中此事罕

聞故先德云三乘教外別有持明是也問曰諸佛本意令斷貪嗔等何却令人起貪心求

世事名利等耶答云諸佛有不思議度生方便謂有衆生不肯直求菩提且隨其所樂令持呪求之由神呪不思議力所求之事盡得遂心一切罪業亦得消滅自然超凡入聖如小兒有病不肯服藥被有智醫人塗在母乳其小兒本食母乳不覺服著良藥除却病苦故羈索心呪經云若有衆生設以詔曲爲求富貴名利等得聞此呪彼衆生生處處成就智慧福聚之香神變疏云真言境界十

^{第二} _八 羅尼多今人云施

五利樂有情救脫幽靈門者謂大寶樓閣經大悲心經牟梨呪等十五餘本經皆說若有衆生得見持呪人身者或聞語音者或影中過者盡滅十惡五逆之罪來世生諸佛國又持呪人眼所見者身所觸者諸有情等亦滅一切罪來世生諸佛國又持呪人路行有風吹衣此風已去所吹者或江河中洗身此水已去所漂者或天雨時仰空誦呪其雨滴所落者或山頂上誦呪盡目所覩處如上所說諸衆生等皆得滅一切罪來世生諸佛淨土蓮華化生如世間有毒藥處下風過者觸著

風時便致損傷尚有難測功力況不思議神

人有所希求反損陷衆生者此是離求外別不見求相是真無求非同木石全不希求也故觀音鈔云雖念念求而無能求所求之相又況諸佛大慈大悲豈可故意損害衆生

呪耶又羣索經說若聞陁羅尼而生毀謗者亦獲利益如人惡心入龍腦栴檀等林中斫截踐踏龍腦樹等其人亦身惹香氣故佛頂頌云神通勝化不思議陁羅尼門最第一又無垢淨光經云空羣索經佛頂尊勝經隨求

經等皆說若亡人廣造惡業死墮三塗真言行者即稱亡人名字專心誦呪亡者應時得離惡趣生於天上又以真言呪土砂或蓮華散亡者墓上屍上亡者即得生於諸佛淨土又亡人衣物或身分骨肉等得持呪人影映著亦得生諸佛國又書陁羅尼置亡人骨上屍上亡人即得生於天宮故先哲云塵飄影燦神覩天宮土散水霑識分惡趣問曰亡人造業既成已墮三塗之中云何真言行者或稱亡人名字或呪砂土置屍塚上便令亡人

轉惡道苦得佛國樂耶非唯俗士懷疑兼乃繙流難信答云智者以譬喻得解今舉喻況之如世禁呪之人禁火不燒禁刀不斫禁蛇不蟄尚能變有毒而作無毒豈況如來神呪不能改苦得樂耶又如列子書說師文善彈琴正當春時而叩商弦以召南呂涼風總至草木成實商金音屬秋南呂八月律由得秋氣草木成實正秋而叩角弦以激夾鍾涼風徐迴草木發榮角木音鍾二月律由得春氣草木榮華當夏而叩羽弦以召黃鍾霜雪交下川池暴凍羽水音屬冬黃鍾十一月律得冬氣故凝陰冰凍

及冬而叩徵弦以激蕤賓陽光熾烈堅冰消散徵火音屬夏蕤賓五月律得夏氣故堅冰消散此是世間彈琴之術尚能變秋作春更冬爲夏況如來大不思議神呪豈不能改惡道苦得佛國樂耶又莊子云六合之外聖人存而不論華嚴經說十

地菩薩一舉足量智功德九地菩薩不能知
況我如來是諸聖中王所有祕密心印豈可
以凡夫妄情而欲籌量者哉其猶井坎之魚
爭知東海之深廣也唯宜諦而信之故觀世

音菩薩祕密藏神呪經云若有受持神呪之
者凡有所作必得成就唯須深信不得生疑

持呪之者既能利樂有情救脫幽靈准千手千眼觀世音菩薩大悲心陀羅尼經說其持呪人不受十五種惡死一者不令其人飢餓困苦死二者不爲枷禁杖楚死三者不爲冤家對死四者不爲軍陣相殺死五者不爲虎狼惡獸殘害死六者不爲毒蛇蠍蝎所中死七者不爲水火漂焚死八者不爲毒藥中死九者不爲蠱毒所害死十者不爲狂亂死十一者不爲山樹崖岸墜落死十二者不爲惡人厭懺死十三者不爲邪神惡鬼死十四者不爲非分自害死又不空頭索神呪死十五者不爲意無亂想死十六者當命終時不覆面死十七者當命終時不反戴頭墮林死十八者將捨命時不離舒捲命喜士

將捨命時得無盡辯士者既捨命已隨願往生諸佛淨國八者常與善友不相捨離又十
一面觀世音神呪經說誦呪之人得四種功德一者臨命終時得見諸佛二者終不墮諸惡趣三者不因險厄而死四者得生極樂世界

六是諸佛母教行本源門者謂一切諸佛皆從陀羅尼所生樓閣經云真言是諸佛之母

成佛種子若無真言終不能成無上正覺又三藏教盡從陀羅尼所出故最上大乘寶王經中說有四乘一聲聞乘二緣覺乘三方廣大乘四最上金剛乘謂陀羅尼藏是也一切法皆從金剛乘陀羅尼中流出神變鈔云千流萬派起自峴嶧積石之山十二分經出乎總持祕密之藏又萬行總從陀羅尼所流謂真言中每一字全是無相法界萬行無不從法界所流故持明藏儀軌經云唵字即是無相法界神變疏云無相法界全是真言真

言全無相法界又真言亦名三藏有持呪者皆號三藏謂真言中每一字皆含戒定慧三且萬行不出六度六度不離三學既真言名三藏即知真言總含萬行真言是總行

其餘法門是支流行門也

問曰上引經云陀羅凡是以禪定藏百

千三昧常現前故今又說真言總含三藏即知真言備含一切禪定之門何以今時禪者不許持呪耶答云准諸傳記竺天華夏古來禪德衆善奉行何況神呪是無相定門諸佛來寂宗字觀照金剛定又云瑜伽妙旨傳心印摩訶衍行總持門如龍樹菩薩准傳燈錄是西天禪宗第十四祖節略持明藏經弘揚真提神呪一行禪師是中夏聖人贊述神變真言者禪師得宿命通廣示持呪軌儀契符禪師人間最上乘法直教持誦密言古來禪師豈不許持呪耶又禪宗既說一切諸法皆是真如持誦真言豈非是真如耶今有或講見弘密呪恐失已利心生嫉妬者請

天上等上說誇之獲益但有遠益非無謗罪者現世多得癩病奉勸時流切宜慎之

人生無兩目以宿緣力再遇無垢娑羅門作大苾芻宣說密呪聞之歡喜承彼呪力死生作天上等上說誇之獲益但有遠益非無謗罪者現世多得癩病奉勸時流切宜慎之

七四衆易修金剛守護門者謂一切四衆但解言語者行住坐卧四威儀中而易誦習又但口誦便是真行能除煩惱安樂法身不假備通教典如病人得藥服之便能除病身安不在廣會醫書故般若經云總持猶妙藥亦如天甘露能療衆惑病服者常安樂佛頂陀羅尼疏云齋戒不禦而自備果證不遠而不可消難獲利自行化他因人果人靡不由此而辦其事又曼茶羅疏云念如來之神呪心暗契如來心諷菩薩之密言願願冥符菩薩願何生死而不逃何涅槃而不得若依餘宗修行須要廣知聖教明悟真心然後修行

方是正行若未悟而修皆非正行如世病人須要廣知醫書明闡藥性方得治病者即萬中難得一也是知神呪行門省略功德甚深普引七衆速至菩提最爲要道故義淨三藏云昇天乘龍役使百神利生之道唯呪是親說三

問曰夫依顯教須得依教生信依信生解依解起行行成得果今密宗神呪不令生解但誦持之便得道果既越常規難以生信答曰如世間病人不解醫方遇神妙藥而服食之便得病除身安彼既不解藥性何得病除身安世藥尚爾況如來不思議呪耶又如來之教不可以一理推既言顯密有異不須一訛要解起信鈔云膠柱調絃全歸愚者守株待兔且非智人唯宜信而持之速得道果若不生信空無所獲大悲心經說誦持呪者一切

所求皆得果遂唯除於呪生疑又云若有生疑不信其人百萬劫中常處惡道不聞三寶又諸經說真言行者四威儀中有無量天龍八部諸金剛衆常守護之故廣大圓滿無碍大悲心陀羅尼經云誦持陁羅尼者是無畏藏龍天善神常護持故又云若能如法誦呪即有一切善神龍王金剛密跡常隨衛護不離其側如護眼睛如護己命又持呪者若在空山曠野獨宿孤眠是諸善神番代宿衛辟除災障若在深山迷失道路善神王化作善人示其正道若逢賊陣被他抄掠墮落他國善神龍王接還本土若在山林曠野乏少水火龍王護故化出水火故彼頌云龍天衆聖同慈護百千三昧煥熏修又大佛頂陁羅尼經說設有衆生於散亂心口持神呪常有八說二
十四

萬四千那由他恒河沙俱胝金剛藏王菩薩種族一一皆有諸金剛衆而爲眷屬晝夜常隨侍衛此人縱令魔王求其方便終不可得諸小鬼神去此善人十由旬外若魔眷屬欲來侵擾是善人者諸金剛衆而以寶杵殞碎其首猶如微塵恒令此人所作如願故彼頌云八萬四千金剛衆行住坐卧每隨身密部諸經廣說護持誦呪之人欲要知者請看藏教

八令凡同佛如來歸命門者謂真言行者持誦神呪課數滿時身語意三所作善惡之業皆成無漏功德法門故白傘蓋頌云誦滿一萬八千遍遍入於無相定號成堅固金剛幢自在得名人中佛縱使罵詈不爲過諸天常聞梵語聲大悲心陀羅尼經云誦持陀羅

說二

十四

尼者口中所出言音若善若惡一切天龍聞者皆是清淨法音又偈云譬如靈丹藥點鐵成金寶誦持陀羅尼變凡作賢聖又神變疏云真言行者能令三業即同本尊三業又持呪行者得諸佛歸命故佛頂偈云十方世界諸如來護念歸命受持者是也

九具自他力現成菩提門者謂顯教中有自力他力二門十住論念佛鏡等說一自力門謂修六度萬行等名難行道如人陸地步行千里程則遲到二他力門謂念佛等名易行說三道如人水路乘船行千里程則疾到今真言中密具自他二力謂大乘寶王等諸經中說真言行者日日得具六波羅密圓滿功德又佛頂頌云不持齋者名持齋不持戒者名持戒僧破二百五十戒比丘尼犯八波羅聞念

佛頂陀羅尼便得具足聲戒

彼佛頂疏云菩薩行門隨行則

具今不行而備蓋神咒之力具足萬行斯言不謬矣則是自力門又真

言中每一字皆是諸佛全身末法中一字
呢經云吾滅度之後變身作此呢等即是他

力門又諸經說真言行者現世能成無上善
提故樓閣經云我於無量俱胝百千劫雖行
苦行猶不得菩提由纔聞陀羅尼故加行相
應便成正覺又五字陀羅尼頌云諸佛本誓

力現成諸聖事即於一坐中便成最正覺又
陀羅尼序云若學蘊於心即凡夫三業成功
德聚只於此生便得菩提何勞修進多劫又
神變疏判陀羅尼爲大不思議成佛神通乘
到依陀羅尼門成佛如乘羊馬行千里程經久方
意便到所至處雖無異所乘法有遲疾也又

餘門成佛如磨黃石取如意珠依真言門成
佛如神通力取如意珠又云如餘菩薩爲求
菩提雖難行苦行如救頭然經無量劫尚不
能得如是成就真言行者不虧法則只於此
生得菩提也故神變鈔云頓超地位譬之以
神通速離纏綿喻之以呢術又大教王經云
若不依祕密課誦修行終不成於無上菩提
也

十諸佛如來尚乃求學門者如大乘莊嚴寶
王經說諸佛亦求神呪何況凡夫而不持誦
說二耶故彼經說觀音菩薩一毛孔中有無量國
土無量諸佛菩薩等普賢菩薩入觀音一毛
孔中經十二年不知分齊又云觀音有六字
大明陀羅尼一切如來皆不知其所得之處
因位菩薩云何得知乃至說蓮華上佛成佛

竟方經歷諸佛求此六字大明等問曰佛具
一切智豈不知得陀羅尼也答有三義一者
表此陀羅尼最勝最深令人生於尊重所以
言佛不知而自求之二者謂權教中佛不能
知得圓宗密呢如小乘極果不能知得大乘

深法三者密宗神呢即體便是圓圓果海故
佛不得如釋大乘論說圓圓海佛亦不得今

六字大明准提神呢即體便是圓圓果海也

說准提佛亦不知得答云彼寶王經說六
字大明已便說准提是知准提同是果海又
獨出五部之外若非圓圓果海是何法耶
是爲體真言者但是能詮言敎即以聲名耶
見設縱神之法何得判爲圓圓果海答云若
乘敎宗旨今密敎中祕密神呢上已說此問
多以聲名乘說即問句又提佛字

問曰何以圓圓果海諸佛不得答云謂圓圓
果海是本性成就之法表非是諸佛修因斷
障所得故又表迥出因果之外故所以言諸
佛不得而自求之據實而論諸佛皆知得也
故賢首云性德果海即十方境界是也問曰
六字大明准提神既

佛境界何以凡夫而得持誦答云今密敎中說以真言不思議力令凡夫三業同如來三業而得持誦又密宗神呪若據所知所解即唯是諸佛境界今因位凡夫雖非知解但當持誦自然滅障成德超凡入聖也斯之一義語驚俗聽理越常情人既罕聞庸流難信博學上智細而詳之於上三義任情取捨上來十門略述密部盡依經典非是下愚能知密旨故神變鈔云金剛手方可探其臍蓮華眼始能窺其奧二問答密呪法器勝劣者問曰上之十門盡敍圓教中真言爲當一切真言而有勝劣五教各不同耶爲復一切真言而無勝劣皆是圓教耶答云准神變疏而有二門一隨他意門一切真言而有勝劣諸部不同又清涼疏主於經律論三藏之外立一

雜藏收阨羅尼而成四藏三乘各四成十二藏既三乘中各有阨羅尼例知五教下亦各有密呪也如諸阿含經中呪即是小教諸般若經中呪即是始教金光明經中呪即是終教楞伽經中呪即是頓教大乘莊嚴寶王經

中六字大明准提神呪即是圓教又上來十
諸阨羅尼經
門中所引

當教中教理行果也五教勝劣今舉輪況之
鐵二始教如銅三終教如銀四
頓教如金五圓教似如意珠

第二
大二隨自意門

一切真言更無勝劣皆是毗盧遮那大不思議祕密心印一代教中乃至鬼神所說真言
生全體變作彼鬼神類而說真言
非實鬼神能說真言餘類皆爾又賢首清涼以義判教一經之中容有多教即知一切經中真言皆是圓教一切真言名總持者能

總含攝無盡教理行果也實而言之雙用二門妙契佛心故神變疏云真言行者能於差別中解無差別義於無差別中解差別義當知是人善達真言相也問曰上說密部包廣包深難思難議未審此法被何根器答云所被根器亦有二門一就隨他意門真言既有五教不同根器亦乃五種各異五教中陀羅尼各總被當教中上中下三根也故曼茶羅疏中亦說陀羅尼通被勝劣諸根二就隨自意門一切陀羅尼皆被不思議圓根故佛頂頌云神通勝化不思議陀羅尼門最第一今有未曾鑽仰密教者多云陀羅尼藏唯被下根斯言甚謬且諸經中說陀羅尼或名最上乘或名無上乘或名金剛乘或名不思議乘豈可唯被下根耶故清涼云以淺爲深有符

說三

十九

理之得以深爲淺有謗法之愆異諸學者切宜留心不得固執先聞而生輕忽五天中夏顯密雙明方是通人上來顯密雙辯竟四慶遇述懷者謂如來一代聖教不出顯密兩門仁王經鈔云如來一
切教不越顯密兩宗於顯教中雖五教不同而華嚴一經最尊最妙是諸佛之髓菩薩之心具包三藏總含五教梵本有十萬偈或八十卷六十卷四十卷等雖文義廣博其中最津要者唯別行普賢行願品一卷經文是華嚴之關鍵修行之樞機可讚可崇西天道流無不依之修行也此方已翻譯者雖五部有異而准提一呪最靈最勝是諸佛於密部中宗准纂靈記并義淨傳說自如來滅度已後時人不聞不知不聞顯圓至龍樹菩薩七百
可尚東夏高德無不依之持誦也今此兩

說二

二十

年中出世雙弘顯密圓宗方乃流行人世今居末法之中得值天佑皇帝菩薩國王率土之內流通二教一介微僧幸得遭逢感慶之心終日有懷似病人逢靈丹妙藥瘞夫得如意寶珠喜躍不已形於詠言乃成頌曰

數年何幸頓忘愁 顯密雙逢稱所求

五部神功功可賴 十玄妙觀觀無休

音高音下真言轉 身去身來華藏遊

法界衆生歡喜事 只疑都在我心頭

顯密圓通成佛心要卷下

供佛利生儀

夫祈道者若非上供三寶下拯四生福慧無由增長今於密藏之內錄出要妙之門冀諸四衆依而行之若欲供養佛法僧三寶者應先於三寶像前五體投地普禮遍法界無盡

佛法僧三寶口誦普禮真言七遍真言曰
唵引縛日羅_二勿_{微一}

唵引縛日羅_二勿_{微一}

由真言不思議力自然遍法界無盡三寶前皆有自身盡皆禮拜奉事也每至晨昏或入寺禮佛等時宜

此方始以飲食香華等隨力所辦之物并盛飲食器物等皆以普通吉祥印印之與無名指相捨
餘二指皆捨散誦淨法界真言加持二十一

遍真言曰

唵

真言

主

由誦唵字真言加持及手印力其飲食器物等自然清淨遍法界也次誦無量威德自在光明勝妙力變食真言加持二十一遍真言

曰

娜謨薩縛怛他葉多縛盧枳帝唵參婆囉參

婆囉吽

唵參

由加持力其飲食等即變成諸天種種餚饍

上味奉獻供養滿十方佛法僧三寶亦爲讚

歎勸請隨喜功德後結出生供養印

二手心合

以十指右壓左頭相文後安在頂上誦出生供養真言二十一

唵

氣

由誦唵字真言及印不思議力自然遍法界

有無盡香華燈燭幢旛傘蓋衣服卧具樓閣

宮殿音樂歌舞等種種諸供養具盡供養遍

法界無量佛法僧三寶諸天等

若無飲食香華但佛像前

手結此印口誦此真言亦自然有無盡供養遍供養法界無盡諸三寶也

若施諸山以淨飲食盛滿一器誦前變食呪
二七遍投於淨流水中即變成天仙美妙之

食供養百千俱胝恒河沙數諸仙彼諸山等
得加持食各各成就根本所願諸善功德若

善男子善女人等以此密言加持於食施彼諸仙能今現世壽命延長福德安樂心所見聞正解清淨具足成就梵天威德一切冤讐不能侵害

若濟餓鬼每於晨朝及一切時悉無障礙取
一淨器盛少淨水置少飯及諸餅食以左手

執器右手作寶手印

以大拇指壓頭指中指小指舒無名指用攬食

說三

上施仙食印誦前變食呪七遍加持已然後稱亦作此印

四如來名號南無多寶如來能破餓鬼醜陋

形得色相具足業得福德圓滿

南無妙色身如來

能除餓鬼慳惜

南無廣博

身如來能令餓鬼喉咽寬大形得色相具足

業得福德圓滿

南無離怖畏如來能除餓鬼一切怖畏得離鬼趣稱四如來名號已彈指七

遍取於食器於淨地上展臂瀉之或淨石上生食臺上淨足器中皆得作此施已於四方百千俱胝那由他

恒河沙數餓鬼前各有摩伽陀國七七斛食受此食已悉皆飽滿盡捨鬼趣生於天上有若比丘比丘尼優婆塞優婆夷常以此密言及四如來名號加持於食施諸餓鬼便能具足無量功德短命之者壽命延長薄福之者福德增榮又得顏色鮮潔威德強記速能滿足檀波羅蜜一切非人夜叉羅刹諸惡鬼神皆畏是人不敢侵害

若欲施水取水一掬用甘露呪之七遍散於空中其水一滴即皆變成十斛甘露一切餓鬼並得飲之無有乏少皆得飽足甘露呪曰

南無素嚩囉耶怛他揭多耶怛姪他唵素嚩

素嚩囉素嚩囉素嚩莎呵

曼茶羅疏云夫爲道者祈

若救地獄誦智炬如來心破地獄真言一遍無間地獄碎如微塵於中受苦衆生悉生極樂世界真言曰

曩謨阿灑吒悉底喃三摩也二合三母駛故緻

曩謨阿灑吒悉底喃三摩也二合三母駛故緻

喃唵良齧二合曩謨縛婆悉蹄哩提哩吽

唵唵良齧二合曩謨縛婆悉蹄哩提哩吽

鼓鈸鐸作聲木上等有諸衆生得聞聲者所有十惡五逆等罪悉皆消滅不墮諸惡趣中

又凡諸經中說書寫陀羅尼利樂有情者皆用西天梵字非是隨方文字也如或梵漢字之更妙

若救一切亡靈者應誦不空縉索毘盧遮那佛大灌頂光真言謂若有衆生具造十惡五逆四重諸罪數如微塵滿斯世界身壞命終

墮諸惡趣誦此真言加持土砂一百八遍散亡者屍上骨上或墓塚上彼所亡者若在地獄餓鬼傍生修羅等中以此真言神通威力加持土砂之力應時即得光明及身除諸罪報捨所苦身往於西方極樂國土蓮華化生

更不墮落直至成佛真言曰

唵阿謨伽尾噠左曩摩賀母捺囉合^二麼拏鉢

說二
唵阿謨伽尾噠左曩摩賀母捺囉合^二麼拏鉢

納麼合入縛合^二擺鉢囉^一鞞哆野吽引

二合
唵阿謨伽尾噠左曩摩賀母捺囉合^二麼拏鉢

三

四

五

六

七

八

言曰

曩謨囉怛曩^二怛囉^二合夜引野曩謨阿^去哩

也^二合^一唵路枳帝濕縛^二囉^一平引野冒地薩怛縛

若欲利益一切有情者每至天降雨時起大悲心仰面向空誦聖觀自在菩薩甘露真言二十一遍其雨滴所霑一切有情盡滅一切

等書此諸真言置亡人屍上或骨上甚妙故偈云真言梵字謂屍骨亡者即生淨土中見證無上大菩提提

傳二
囑合賀

是樂界者只唵字已下持之唵字已上
是皈敬辭唵字等是正呢也若書此
陀羅尼於鐘鼓鈴鐸等一切出聲物上或有
撞擊吹根出聲一切衆生聞此聲者悉皆清
淨命終得生西方淨土

者應書大寶廣博樓閣善住祕密陀羅尼在

卷三

二十五

若欲利樂一切四生等有情

於幢上堂殿上或素氍毹上或紙帛上或經卷
上或牆壁牌版等上有諸衆生暫得眼見者
或手觸者或身觸者或影中過者及餘人轉
觸此人者又或書之戴在頂上者身上者衣
中者或書出聲物上有聞聲者或讀者或誦

者或但聞此陀羅尼名者如是衆生等縱有
不孝父母者不敬沙門者不敬婆羅門者不
敬耆舊者誹謗正法者誹謗聖人者應墮地
獄者誹謗諸佛者誹謗菩薩者殺阿羅漢者
造五逆罪者殺婆羅門者殺牛犢者抄劫竊

盜者故妄語者不與取者邪染者兩舌者麁
惡語者輕秤小斗者強奪財物者匿他財物
者負言背信者捕獵者屠殺者魁膾者如是
等罪悉皆消滅決定當得阿耨多羅三藐三
菩提能於現世獲無量百千功德常得國王
王子宰官及諸四衆歡喜敬愛不受世間種
種諸苦毒藥刀杖水火等難一切師子虎狼
諸惡禽獸不敢爲害又無一切諸盜賊難諸
鬼神難諸邪魅難諸毒蛇難又現身不受一
切諸病所謂一切瘧病眼病耳病鼻病舌病
齒病肩病喉病頭病項病諸支分病手病背
病腰病臍病痔病淋病痢病瘻瘻病疥病腳
病疔病腫病瘰疬病斑病肚病疥病疮病癩
病癬病如是等病悉不著身不爲厭禱盡毒
呪詛著身無橫災死卧安覺安臨命終時心

不散亂一切諸佛現前安慰又一切傍生鹿
鳥蚊蟲飛蛾螻蟻乃至胎生卵生濕生化生
諸有情等聞此陀羅尼名者或身觸者或影
中過者決定當得無上菩提等云云大寶廣
博樓閣善住祕密陀羅尼曰

曩謨薩嚩怛他引蘖多_去南_引唵_二尾補攏

九_一孤_二巴_三日_四引_五九_六九_七引_八一_九引_十二_{十一}阿_{十二}巴_{十三}

集_一陸_二三_三麼_四扱_五鉢_六羅_七合_八陸_九四_十怛_{十一}他_{十二}多_三五_四你_六捺_七捨_八

九_一九_二九_三九_四合_五九_六九_七四_八九_九五_十目_{十一}那_{十二}九_三

寧_一六_二麼_三扱_四麼_五扱_六七_七蘓_八上_九鉢_十羅_{十一}合_{十二}陸_{十三}八_{十四}尾_{十五}麼_{十六}黎_{十七}

地瑟耶_合多_上聲蘖_十集_{十一}娑_{十二}嚩_{十三}合_{十四}詞_{十五}
高山頂上誦此陀羅尼者盡眼所見處一切衆生皆得滅一切罪業得離一切地獄業得免一念皆是前後三藏西天諸國語音有異但依一本誦持無得揀擇寡學之者多分受上來非餘呵斥聖賢寄語後人勿霑斯咎
供佛利生諸真言等若不能都各誦持書寫得皆用准提真言亦得故持明藏儀軌經云此准提呪似如意珠若有行人處處用之皆得成就是也

供佛利生儀

顯密圓通成佛心要并供佛利生儀後序

門人比丘性嘉述

恭聞大日雄尊始王華嚴之界圓音妙法遍周帝網之區稱其性演重重無盡之門就其根開種種有限之義爰自結集之後洎于翻

譯已還五藏八藏以殊分一乘三乘而異設若廼舉其大柄振其宏綱則唯密及顯斯可得而稱矣謂密言玄妙統五部之真詮顯字淵沖貫十宗之微旨應根派異涇渭雙流會旨源同清濁共濕然而去聖時邈群生見差或密顯偏修或有空別立或學聲字迷神呪之本宗或滯名言昧佛經之正意雖有觀心照性然多背正趨邪各計斷常競封人法弘性弘相商參互起於多端宗律宗禪水火交騰於異義遂使滔滔性海罕挹波瀾燦爛義天難窺光彩斯蓋未遇通人與開示焉今我親教和尚諱道殿字法幢俗姓杜氏雲中人也家傳十善世稟五常始從齠齶之年習於儒釋之典天然聰辯性自仁賢博學則侔羅什之多聞持明則具佛圖之靈異禪心鏡淨

神遊華藏之間戒體冰清行出塵勞之外加以霜松潔操水月虛襟曲已利人輕身爲法恒思至理匿在筌蹄每念生靈懵於修證由是尋原討本採異搜奇研精甫僅於十旬析理遂成於一卷號之曰顯密圓通成佛心要并供佛利生儀其文則精雋簡約其義則淵奧該弘窮顯密之根源盡修行之岐路四門朗朗如皓月之呈輝十段明明若群星之列耀五法界之妙觀燦爛於行間三祕密之神宗昭彰於字下包括鷲峯之妙典彌綸龍藏二十六之遺文會萬法以無違皆歸圓教融諸呪而不滯盡是總持使瓦礫並作於真金草木悉成於妙藥寔乃改張異見端正前修依之則無塞不通弘之則無根不被其猶出匣之鏡動則臨人射空之箭發必有中盡善盡美兼

質兼文有玄之又玄之宗祕之又祕之趣使
將來者開卷便知聖旨得意皆是全才貧子
獲衣內之珠輪王雪夢中之恥北秀南能之
心印詎假躬參西林東社之靈編無勞親閱
真可謂登覺山之捷徑濟苦海之逆船一十

二分教之著龜八萬四千行之鉉鍵抉學人
之疑膜有類金鏡斷釋子之邪心無殊寶劍
復有供佛供僧之祕法濟仙濟鬼之玄門極
幽靈之神方利含生之聖術其功德之廣大
逾五嶽之峰嶸其利益之宏深越四溟之浩
淼若非鍊智鍊神精教精理內憑呪力外感
佛加曷以著斯絕妙之文哉性嘉叨承宿幸
忝會此生自得伏膺親蒙誨道七十子仲尼
門下入室徒忻一千輩黃梅山中傳衣匪預
雖滴露乏添江之力輕塵無足嶽之能但竭

說二

三九

愚衷聊爲後序所願萬靈佑佑四衆圓修長
然心要之燈恒照愚冥之路云爾

切以藏海汪洋深廣莫窺其涯涘聖途坦蕩
指歸直造於根源矧圓通顯密之要門極性
相有空之至理惟持明者斯問津焉管主人

緣幸釋流慶逢聖世聲教熾談佛法莫盛於
當今車書混同華竺咸歸於至化眷此靈塵
之寶奚其韞續之緘敬鐫刻於斯文俾流通
而入藏恭願法輪大轉億萬年睿筭永祝帝
齡佛日高懸一大事因緣俱明本智文英武
烈子孝臣忠干戈息於八方風雨調於六合
功能最勝筆舌美殫恩有普資自他俱利者

音釋

勞郎到切
積水也
大里切

痔後病也
便難病
音林

疗音丁
瘡閑

病也 痹 古法 餌 音耳
切魚 切也 痹 痘 痘於何
也 鏽 切也 痹 痘 痘也
金龜 列毛達協 布也 痹 飴 飴也
掠邊 摶勒 可也 痹 痉 痉也
器迷 刻勒 懈 漏病也 痹 痉
也 鑄 子不明也 雋 痉 痉也
刻金 刻也 懈 漏病也 痉 痉也
也 鑄 雋 痉 痉也 痉 痉也
也 鑄 雋 痉 痉也 痉 痉也
也 鑄 雋 痉 痉也 痉 痉也